

Determinatio theologicæ


Facultatis Parisienſis. ſuper Doctrina Lutheriana
hactenus per eam viſa.



Vendatur in officina Aſcenſiana ſub
cautione ad calcem explicanda.

SECRETUM

1711



SECRETUM

DECANVS ET

Facultas Theologiæ Generalis Scholę Parisiensis
omnibus Christifidelibus cum syncero catholicę
veritatis amore, Salutem.



Aulus ille vas ele
ctionis, Euan
gelicusq; tubi
cen, & gentium
doctor: Timo
theum institu
ens, vt curet se
ipsum operari
um inconfusibi
lem & proba
tū exhibere deo,

recteq; tractantem verbum veritatis: prophana
hortatur & vaniloquia deuigare: quoniā hęc mul
tum proficiunt ad impietatem. Nam si semel rece
pta fuerint mox serpet venenum, & obsolescet ca
tholicę doctrinę vigor. Siquidem hereticorum
sermo si animos aliquando simplicium occuparit,
semper latius diffundetur: eosq; fallacibus errorum
inuolucris, quasi tenaci visco inuoluens: sensim a
veritate ad impietatem nimiam deturbabit: & per
inde ac cancer morbus serpet: qui vbi corpus vi

uentis attigerit, non desinit paulatim vicinas occupare partes, donec intulerit exitium. Pleraque huiusce rei exempla recensere perfacile est. Nam cum adhuc in adolescentia sua ecclesia Christi sponsa florescere coepisset: surrexere viri mendaces & impii, qui a veritate excidentes, fide illius subvertere molirentur: quales fuerunt, Hermogenes, Philetus, Hymeneus, & post illos Ebion, Marcion, Apelles, deinde Sabelius, Manicheus, Arrius. Senescere vero eadem & paulo ante tempora nostra, Valdo, Wiclef, & Ioanes Hus. Hac etiam tempestate, de progenie illa viperarum subortii sunt: prohdolor filii nequa: qui speciosae matris non habentis maculam neque rugam, unionis vinculum schismatice discindere conantur: vere similes viperulis, ut enim illae corrosis matrum visceribus non exeunt priusquam eas extinxerint: ita hi parentem ecclesiam exitiali suorum dogmatum pestilentique veneno, multiplici nouarum inuentionum foetura: dum iuuare videntur & venerari (licet inextinguibilem) potius tamen quantum in se est interimunt: non ferentes cum ipsi sint, & ancillae filii, & illegitimi: immo diaboli genimina, matris ecclesiae liberos legitimosque filios, nisi eos suis pestiferis doctrinis inficiant: & venenatis iaculis contorqueant: satagentes speciem matris ac decorem temerare & contaminare. Cuius tamen facies semper est & erit gratiarum plena: splendidissimusque ornatus. Ipsa enim veluti Regina

à dextris sponſi ſui in veſtitu aſtat deaurato circū-
data varietate, Legum, ceremoniarum, ſacramento-
rum, & bonorum omniū ad præſentem vitam fu-
turamq; conducentium. Hinc virulentis ſuis ſcri-
ptis & ſermonibus illam lacerare non ceſſant, &
pro viribus deturpare ſatagunt. Inter quos vnus
vel præcipuus exiſtit quidā Martinus Luther quā-
tum ex ſcriptis compluribus eius nomine diuulga-
tis coniectare licet, ſi modo titulo credendum eſt.
Ipſe enim prænominatorum hereticorum dogma-
ta (inſtar præuaricatoris Ahiel qui contra Iosue im-
precationē reedificauit Hierico) inſtaurare ſtudet
& noua confingere: qui cum ad ſobrietatem ſapere
minime didicerit, plus vnus ſapere præſumit q̃ cete-
ri omnes qui in eccleſia ſunt aut fuerunt. Omnium
nempe vniuerſitatum ſcholis ſuum auſus eſt præfer-
re iudiciū: præſcorum quoq; vel ſanctorum docto-
rum eccleſiæ ſententiās contemnit: &, vt ad impietatis
cumulum addat, ſacrorum ſanctiones concilio-
rum eneruare cōtendit, quaſi ſcilicet ad fidelium ſa-
lutem neceſſaria Lutherō ſolī deus reſeruarit, quæ
præteritis ſæculis neſciuit eccleſia, & ad hæc uſq; tē-
pora in tenebris & errorum cecitate ſuam ſpōſam
Chriſtus dimiſerit. O impiam & inuerecūdam ar-
rogantiā! vinculis, cenſuris, immo ignibus & flā-
mis coercendam potius q̃ ratione conuincendam!
Nōne em̃ qui ita ſentit & ſcribit prima fidei prin-

cipia abnegat, & impietate palam profitetur? Nonne
impium se prodit & infidelem quisquis orthodoxe
fidei, sanctis ecclesiae doctoribus, ac sacris conciliis
credere dedignatur? Is nempe cui credet qui catho-
lice ecclesie fidem habere detrectat? Aut quomodo
catholicis ascribetur, qui ecclesiam non audit? cum
ex ore veritatis dictum sit: Si ecclesiam non audie-
rit sit tibi sicut ethnicus & publicanus. Porro ista
est peculiaris hereticorum insania, ut scripturas pro vo-
to contorquentes sese eas solos credant intelligere, solos
se ad veritatem evangelii putent ambulare, solos se &
quos falsa religione seducunt, salutem consequi arbi-
trantur, nec cuiuscumque doctoris quantumvis sancti aut
eruditi, sed nec ipsius ecclesie auctoritatem suscipe-
re velint contra eam quam semel sibi prefixerint scri-
pturarum intelligentiam. Hoc comprobat insanus
Montanus cum suis Prisca & Maximilla, sancti spiri-
tus aduentum in se completum impiissime credens
magis quam in apostolis. Hoc & impius Manicheus, qui
vanitate Luciferi seductus usque adeo deliravit, ut se
spiritum sanctum a Christo missum assereret. Hoc
item Secundinus eiusdem Manichei discipulus, qui
Augustinum & catholicos ceteros errare confidenter
asseverans, quasi eidem condolens Augustino scripsit
se non invenire quidnam ante eterni iudicis tribu-
nal positus, deserto Manicheo, respondere valeret.
Mos nempe iste est hereticorum. At vero dum eccle-

fiam audire nolunt, nec ferūt suauī christiānē disci-
plinæ iugo colla submittere, illudentibus sibi spiriti-
bus mendaciū & erroris, in manifestos corruunt er-
rores, & pro fide execrādas profitent̃ blasphemias:
quod Luther ipse seu author quisquis est opuscu-
lorum illius editorum nomine, luce clariū demon-
strat: quī dum ecclesiæ & sanctorum patrum saluta-
ria respuīt documēta, & heresiarcha fact⁹ est & vi-
rulentus veterū heresum innouator. De libero nāq;
arbitrio differens Manicheos sequitur: de cōtritio-
ne & iis quę eā precedūt, Hussitas: wicleuīstas ve-
ro de confessione. De præceptis Begardos. Catha-
ros de punitione hereticorum: de immunitate eccle-
siasticorum & euangelicis cōsiliis Valdenses & Bo-
hemos: De iuramēto, consentit hereticis quī se ia-
ctitant de ordine apostolorum. De obseruatione le-
galium Ebionitarum heresi propinquat. Cæterum
de sacramentali absolutiōe, satisfactiōe, prepara-
tione ad eucharistiā, scripturas nō aduertēs sed per-
uertens, itē de peccatis, de pœnis purgatoriū, de ge-
neralibus conciliis, non ferēdos disseminat errores.
Sed & de philosophiæ præclaris institutis perperā
loquitur ignarus, sicut de potestate ecclesiastica, &
de indulgētiis multa. Nec tam pestiferam doctrinā
euomuisse contentus, librum insuper edidit, si titu-
lo creditur, cui de captiuitate Babylonica nomē in-
didit, vsque adeo variis respersum erroribus, vt iure

cum Alchorano conferri mereatur. In eo siquidem
extinctas hereses & funditus extirpatas, quarum ne
vestigia quidem vlla restabant, super his presertim
quæ ad sacramenta ecclesiæ spectant, suscitare, ac in
lucem reuocare totis animi viribus contendit. Scri
ptor quicumque is est ecclesiæ nimirum Christi hostis
pernicius & antiquarum blasphemiarum instau
rator execrandus. Bohemorum namque, Albigenum
Valdesium, Heracleonitarum, Pepucianorum, Eria
norum, Lamperianorum, Iouinianistarum, Artoty
ritarum, cæterorumque id genus monstrorum insa
niæ, per auctorem in eodem comprobantur libro,
commendantur, extolluntur. Quare nostræ profes
sionis esse agnoscentes huiusmodi pullulantibus pe
stiferis erroribus magisque ac magis in dies excresce
ntibus toto conatu obuiare, quid tandem nobis de
huiusmodi doctrina visum sit plane aperire volui
mus, & nostram super ea sententiam christianis omni
bus publicare: ne, quod absit, eliminata iam pridem
tam multiplex impietas quantum in nobis est, ulterius
serpat: & doctrina fallax a patre mendacii exorta fi
delem inficiat populum dei.

Sollicitius itaque per nos examinata ac maturius uni
uersa doctrina Lutheriano ascripta nomini, & ad
plenum discussa, execrandis illam erroribus scatere
certo deprehendimus & iudicauimus, fidem potius

simū contingentibus & mores: Quodq; simplicis populi seductiua sit, omnibus doctoribus iniuria, potestati ecclesiæ & ordinī Hierarchico impie derogatiua, apte schismatica, sacrę scripturę aduersa, & eius deprauatiua, atq; in spiritum sanctum blasphemā: & ideo veluti reipublicę christianę perniciosam censemus omnino exterminandam ac palam vtriusq; flammis committendam. Authorem vero ad publicam abiurationem modis omnibus iuridicis compellendum.

Vt autem id clarius cunctis innotescat aliquot ex prefatis scriptis excerptas propositiones ordine quodam digessimus, & nostram cuiq; adiecimus censuram patrum nostrorum morem imitati, qui alienus utiq; non est ab obseruata per apostolos lege definiendi. Proposito namq; de legalium obseruatione dubio, quid sentirent: ipsi paucis explicuerunt, rationibus (cur ita definirent) nullis scripto mandatis: quem modum quoq; decernendi sacra consueuerunt tenere concilia. Materię vero per nos discussę hę prefertim quas impresentiarum edere constituimus, secundū suas inuicem connexiones sequenti monstrantur indice.

INDEX MATE

riarum ex variis Lutheri libris excerptarum per
Theologiæ vniuersitatis Parisien. facultatem.
Et primo ex libro de Captiuitate Babylonica.

De Sacramentis.

De constitutionibus ecclesiæ.

De operum æqualitate.

De votis.

De diuina essentia.

MATERIAE EX

aliis eiusdem Lutheri libris excerptæ.

De conceptione beatæ & gloriôsę virginis.

De contritione.

De confessione.

De absolutione.

De satisfactione.

De accedentibus ad Eucharistiã.

De certitudine charitatis habite.

De peccatis.

De præceptis.

De consiliis euangelicis.

De purgatorio.

De conciliis vniuersalibus ecclesiæ.

De hereticorum poena.

De legalium cessatione.

De bello aduersus Turcas.

De immunitate ecclesiasticorum.

De libero arbitrio.

De philosophiã & theologia scholastica.

PROPOSITIO

nes ex libro Lutheri, qui de Captiuitate Babylonica inscribitur, collectę: & per theologorum Parisienſem facultatem damnatę. Scribentur autem propositiones ipſę maiuſculis, & condemnationes minoribus characteribus.

De Sacramentis.

Recens est inuentio sacramentorum.

Propo. I.

Hęc propositio innuens recenter ab hominibus inuenta esse sacramenta & non a Christo instituta, est temeraria, impia, & manifeste hæretica.

Sacramentum ordinis ecclesia Christi ignorat.

Secunda.

Hęc propositio est hæretica: & est error pauperum de Lugduno, Albigenſium, & Wicleuistarum.

Omnes Christiani habent eandem potestatem in verbo & sacramento quocunq;.

Tertia.

Claues ecclesię sunt omnibus communes.

Quarta.

Omnes Christiani sunt sacerdotes.

Quinta.

Qualibet harum triũ propositionum est ordinis Hierarchici destructiua & hæretica: & est error præfatorum hereticorum simul & Pepucianorum.

Confirmatio & extrema vinctio non sunt sacramenta a Christo instituta.

Sexta.

Hęc propositio est hæretica: & pro prima parte est error Albigenſium & Wicleuistarum: pro secunda vero Heraclonitarum.

Septima
ppositio. Missa passim creditur esse sacrificium quod offer-
tur deo : inde Christus hostia altaris dicitur . Sed
euangelium non finit missam esse sacrificium.

Hęc propositio quo ad secundā partem scilicet Sed euā-
gelium &c. est impia, in sacrosanctū euangelium blasphema
ac hæretica, prout vocabulo missa cū Gregorio vtimur.

Octaua. Manifestus est error missam applicare seu offerre
pro peccatis, pro satisfactionibus, pro defunctis, aut
quibuscunq; necessitatibus suis aut aliorum.

Hęc propositio est in ecclesiam catholicā Christi spon-
sam contumeliosa & hæretica: & est Erianorum, heretico-
rum, & Artotyritarum erroribus conformis.

Nona. Non est dubium vniuersos hodie sacerdotes & mo-
nachos cum episcopis & omnibus suis maioribus
esse idolatras in statu periculosissimo agentes, ob
missę seu sacramenti ignorationem, abusionem, &
irrisionem.

Hęc ppositio est falsa, maxime scandalosa, vniuerso eccle-
siastico statui contumeliosa, arroganter & stulte prolata.
Et in eo quod prætendit neminem in statu salutis esse nisi
qui huiusmodi erroribus acquiescit, cum Donatistarum,
Ascitarum, & Apostolicorum perfidia conueniens, asseren-
tium non nisi apud se remansisse ecclesiam dei.

Decima. Credo firmiter panem esse corpus Christi, ait Lu-
ther.

Hęc credulitas Lutheri est absurda, hæretica, & olim da-
mnata.

Vndecima Negare laicis vtranq; speciē est impiū & tyrānicū.

Hęc ppositio est erronea, schismatica, impia, & ex dāna-
to errore Bohemorum elicita.

Bohemí heretici & schismatici non sunt nominandi, sed Romani. XII.

Hæc propositio est falsa, perfidię bohemicę impie defensiva & ecclesię Romanę contumeliosa.

Matrimonium non est sacramentum diuinitus institutum sed ab hominibus in ecclesia inuentum. XIII.

Hæc propositio est heretica & olim damnata.

Coniunctio viri & mulieris tenet quocunq; modo contra leges hominum contigerit. XIII.

Debent sacerdotes ea omnia matrimonia confirmare quę contra ecclesiasticas vel pontificias leges fuerint contracta, in quibus Papa potest dispensare & quę non sunt in scriptura sacra expressę. XV.

Utraq; harum propositionum est falsa, ecclesię potestati impie derogatiua, & ex damnato Valdensium errore procedens.

Tota efficacia sacramentorum nouę legis est ipsa fides. XVI.

Hæc propositio est efficacię sacramentorum nouę legis impie derogatiua & heretica.

Quicquid credimus nos accepturos esse reuera accipimus, quicquid agat, non agat, simulet aut iocetur minister. XVII.

Hæc propositio est absurda, ex erroneo scripturę intellectu asserta & heretica.

Periculosum immo falsum est opinari poenitentiam esse secundam tabulam post naufragium. XVIII.

Hæc propositio est temeraria erronee ac fatue asserta, ac beato Hieronymo illam ponenti iniuria.

XIX.

Qui sponte confessus siue correptus veniam petierit & emendauerit coram quouis priuatim fratre, non dubito a peccatis suis illum esse absolutum.

Hæc propositio innuens laicos tam viros q̃ mulieres potestatem clauium habere, est falsa, sacramētis ordinis & poenitentię contumeliosa, & heretica, cum errore conueniens Valdensium & Quintillianorum.

De constitutionibus ecclesiæ.

Propo.

Neq; Papa neq; Episcopus neq; vllus hominum habet ius vnus syllabę constituendę super christianum hominem, nisi id fiat eiusdē consensu: & quicquid aliter fit, tyrannico spiritu fit.

Hęc propositio est a debita subditorum erga prelatos & superiores subiectione & obedientia retractiua: legum posituarum seditiose destructiua, ac in fide & moribus erronea: & est error damnatus Valdensium cum errore Erianorum conueniens.

De operum equalitate.

Propo.

Opera nihil sunt coram deo, aut omnia sunt equalia: quantum ad meritum attinet.

Hæc propositio est falsa, sacris eloquiis aduersa, atq; errori Iovinianistarum conformis.

De votis.

Propo. I.

Suadendum vt vota prorsus omnia tollantur, aut vitentur.

Hæc propositio est Christi doctrine & sanctorum patrū obseruatīōi qui vouere consulunt, contraria: ex errore procedēs Lamberianorum, Wicleuistarum, & eorum qui se iacobabant de ordine apostolorum.

Probabile est vota hodie nō valere nisi ad operum Secunda iactantiā & præsumptionem.

Hæc propositio est falsa, statui religionis contumeliosa, & præfatis erroribus consona.

De diuina essentia et forma corporis humani.

Istis nouissimis trecentis annis multa perperam de Propō. terminata sunt: quale est essentiam diuinam nec generari nec generare, & animam esse formam substantialem corporis humani.

Hæc propositio est falsa, ab homine qui alienus est a catholica ecclesia arroganter asserta: ac sacris conciliis generalibus iniuria.

Propositiones excerptę

ex aliis Lutheri libris damnatę vt præmissum est.

Et primo de cōceptione

beatę Marię virginis.

Cōtradictoria huius propositionis, beata virgo est Propō. concepta sine peccato originali, non est reprobata.

Hæc propositio est falsa, ignoranter, & impie contra honorem immaculatę virginis asserta.

De contritione ⁊ ijs que

eam præcedunt.

Propositio prima. Lege manifestata aut in memoriã reuocata mox sequitur augmentum peccatĩ si gratia defit.

Hæc propositio loquendo de gratia gratum faciente, est falsa, a recta sacrę scripturę intelligentia aliena, & a meditatione diuinę legis retractiua.

Secunda. Lex ante charitatem non operatur nisi iram & auget peccatum.

Hæc propositio est falsa, piarũ aurium offensiua, in deũ & eius legem blasphema, nec intentioni Pauli conformis.

Tertia. Opera quęcunq; ante charitatem sunt peccata & damnabilia & indisponentia ad gratiam.

Hæc propositio est falsa, temerarie asserta, peccatorũ ab emendatione retractiua, & sapiens hæresim.

Quarta. Qui bonum opus aut poenitentiam a peccatorum detestatione ante dilectionem iustitię incipi nec in eo peccari asserit, inter Pelagianos numerandus est.

Hæc propositio est falsa, & ignoranter asserta, capiendo dilectionem iustitię pro ea quę charitatem seu gratiam gratum facientem sequitur.

Quinta. Contritio quę paratur per discussionem, collectionem & detestationem peccatorum, qua quis recogitat annos suos in amaritudine animę suę, ponderando peccatorum grauitatem, multitudinẽ, sceditatem, amissionem æternæ beatitudinis, ac eternæ damnationis acquisitionem, hæc inquã contritio, facit hypocritam, immo magis peccatorem.

Hæc propositio est falsa, viæ ad poenitentiam impeditiua scripturis sacris & doctrinæ sanctorum difformis.

Neq; timore neq; amore potest homo se erigere ad *Sexta.* capeffendam gratiam dei.

Hæc propositio est in fide & moribus erronea, oëm præparationem ad poenitentiam impie auferens.

Sine gratia primo remittente culpam, nec votum *Septima.* remissionis querendæ homo potest habere.

Hæc propositio est falsa, impia, & peccatorum ad desperationem inductiua.

Christus nunq; peccatores coegit timore ad poenitentiam. *Octaua.*

Hæc propositio capiendo cogere pro inducere, sicut capitur frequenter in scriptura sacra, est heretica.

Bonus est timor & utilis licet sit insufficiens p quæ *Nona.* paulatim fit consuetudo iustitiæ. De his verbis Augustini sequitur iudiciũ Lutheri. Hoc est (inquit) meo iudicio consuetudo desperandi & odiendi deũ si excludatur gratia.

Iudiciũ Lutheri de illo dicto Augustini Bonus est timor &c. est falsum, temerarium & impium, accipiendo gratiam, vt supra, pro gratia gratum faciente, sicut eã accipit scriptor.

Si Ioannes scilicet baptista timorem docuisset esse *Decima.* initium poenitentię, non ideo sequitur poenitentiam incipere a timore.

Hæc propositio est manifeste erronea, in Christum & inspiratam præcursoris eius doctrinam contumeliosa.

De confessione.

- Propositio prima.** Ars confitendi qua hucusq; docti sumus arenā numerare, singula peccata discutere, colligere, atq; ponderare ad faciendam contritionem, est ars inutilis, immo ars desperandi & perdendi animas.
- Hæc propositio est falsa, impia, schismatica, & confessio-
ni quæ est ars lucrandi animas, iniuria.
- Secunda.** Confessio illa quæ nūc agitur occulte in aurē, nullo potest diuino iure probari, nec ita fiebat primitus.
- Huius propositionis prima pars est falsa, & ex ignorātia iuris diuini asserta. Secunda est temerarie posita.
- Tertia.** Spiritualis defectus est soli deo aperiendus.
- Quarta.** Si oportet confiteri occulta cordis, tantum ea quæ pleni sunt consensus in opus, homines debent confiteri.
- Quinta.** Peccata contra duo vltima præcepta decalogi commissa, sunt prorsus a confessione secludenda.
- Quælibet harum trium propositionum est in fide erronea, & impie confessionem dimidians.
- Sexta.** Nullo modo præsumat homo confiteri peccata venialia.
- Hæc dissuasio innuens presumptionis esse confiteri peccata venialia, est temerarii animi indicatiua, ab opere bono retractiua, & ideo perniciofa.
- Septima.** Non iustificamur operibus, neq; poenitentiis aut confessionibus.
- Hæc propositio, loquendo de operibus bonis fidem mediatoris non excludentibus, est erronea, poenitentia: & cō-

cessionis contemptiua, & sanę diuinę scripturę intelligē-
tię aduersa.

De absolutione.

Absolutio est efficax, non quia fit, a quocūq; tandē
fiat, erret siue non erret: sed quia creditur. Propositio
prima.

Crede fortiter te esse absolutum, & absolutus vere
eris, quicquid sit de tua contritione. Secunda.

Esto per impossibile q̄ confessus nō sit contritus,
aut q̄ sacerdos non serio, sed ioco absoluat, si tamē
credat se esse absolutum, verissime est absolutus. Tertia.

Hę tres propositiones ad sensum scriptoris sunt falsę,
impię, ignoranter & difformiter ad sanam sacrę scripturę
intelligentiã asserre. Et in hoc qđ dicitur, a quocunq; tādē
fiat, erret, siue non erret: et in eo qđ subditur, nō serio, sed
ioco absoluat, sunt piarum aurium offensiue, sacramenti
pœnitentię irrisorię, & conciliorum generalium determi-
nationibus contrarię.

Quilibet sacerdos debet absolvere a pœna & cul-
pa, aut peccat. Quarta.

Hęc propositio ad sensum scribentis est falsa, observatio-
nis & doctrinę vniuersalis ecclesię in his quę concernūt
sacramentum pœnitentię contraria.

De satisfactione.

Peccata deus & semper & gratis remittit atq; con-
donat nihil a nobis inuicem requirens q̄ vt in poste-
rum bene viuamus. Propositio
prima.

Hęc propositio est a sententiā sanctorum doctorum aliena, fideles, vana & stulta confidentia, a debita satisfactione pro peccatis retrahens, & heretica.

Secunda. Sententiā est apostoli pœnā & culpam simul finire.

Tercia. De industria damnat propheta sententiā probatū satisfactionem, dicens. Quoniā si voluisses sacrificiū dedissem: holocaustis non delectaberis.

Quarta. Irridet Micheas propheta eos qui per opera satisfacere volunt.

Prima harum propositionum est in Paulum: Secunda in prophetā: Tercia in Micheam contumeliosa, & omnes falsę impię, & in spiritum sanctum blasphemę.

Quinta. Virtute clauium iactant quidam solui pœnas per diuinam iustitiā requisitas, quod non credo verū nec probabitur.

Hęc propositio qua negat virtute clauium pœnas per diuinam iustitiā requisitas solui, est falsa, scandalosa, potestati clauium derogatiua, & in hoc q̄ dicit qđ non credo verū, nec pbabitur, est animi temerarii indicatiua, & arrogantis.

Sexta. Commentum & futile cauillum est dicere quod dicunt quidā: quia sacerdos ignorat mensurā contritionis absoluendi, ideoq; forte nō imponit tantam satisfactionē quātam diuina iustitiā requirit, q̄ propterea necesse sit diuinę iustitię satisfieri vel proprio opere vel indulgentiis.

Hęc propositio est falsa, ritui ecclesię & eius doctrinę aduersa, & pœnitentialis satisfactionis eneruatiua.

Septima. Pœna qua deus vult peccatum punire non potest auferri per hominem vel per Papam.

Hęc propositio est authoritatē ecclesię a Christo cōcessiæ
impie & schismaticę contrariens, & sapiens heresim.

Huic materiæ annectitur vna propositio
de Sacramentis in genere.

Heretica sententiā est qua sacramenta nouę legis Octaua.
gratiam iustificantem dare dicuntur illis qui non
ponunt obicem, cum sit impossibile sacramentum
conferri nisi iam credentibus & dignis.

Hęc ppositio est falsa, temeraria, & psumptuose asserta.

De accedētibz ad eucha **ristiam.**

Magnus & perniciosus error est, si quis accedat Propō. I.
ad sacramentum Eucharistię ea nixus fiducia q̄ cō
fessus est, q̄ non sibi conscius mortalis peccati, q̄
orationes & pręparatoria sua pręmiserit: omnes
hi iudiciū sibi manducant & bibunt.

Hęc propositio est impia, a debita sacramenti suscipiēdi
pręparatione maxime retractiua, ad desperationē inducēs
& doctrinę Pauli contraria, nec fideles ea nixi fiducia se
cludunt diuinam misericordiam.

Probatio qua homo peccata sua discutit, atq; pon- Secunda.
derat, non pertinet nisi ad insensatos & crassos sa
cramenti contemptores.

Hęc propositio est temerarie, & arroganter asserta, im
pia, & scandalosa.

De certitudine cha **ritatis habite.**

Propositio prima. Pessime docent theologi, quando dicunt, nos nescire quando sumus in charitate.

Hec propositio, intelligendo nescire certitudine fidei, de qua loquitur scribens, est falsa, sacris doctoribus dissona, & sane intelligentie scripturae.

Secunda. Caueat omnis Christianus ne vnq̃ incertus sit, an deo placeat opera sua: qui enim sic dubitat, peccat, & perdit opera sua cuncta, frustra q̃ laborat.

Huiusmodi consiliu, loquendo de certitudine vt supra, est temerariu, perniciosum, & sacris eloquiis difforme.

De peccatis.

Propo. I. Iustus, in omni bono opere peccat.

Secunda. Omne opus bonum optime factum, est peccatum veniale.

Vtraq̃ haru propositionu est falsa, piaru aurium offensiu, ac bonorum operum infamatiua.

Tertia. Qz non omni tēpore poenitemus, & resipiscimus, vitium est.

Hec ppositio, vt vitiu dicit culpā ad sensum scribetis est falsa, irrationabilr, & ex erroneo scripture intellectu asserta.

Quarta. Hoc est mortaliu mortalissimu non credere se esse damnabili & mortali peccato obnoxiu coram deo.

Hec propositio est falsa, impia, desperationis inductiua, & sapiens heresim.

Quinta. Theologi docentes regula sua venialia peccata esse distincta a mortalibus, ad insaniam perditissime nituntur trahere hominu conscientias.

Hęc propositio est stulte & presumptuose asserta, sacris doctoribus iniuria, & in quantum præ tendit venialia non distinguí a mortalibus, est heretica.

De præceptis.

Qui negat deū nobis impossibile iussisse, pessime facit, & q hoc falsum esse dicit, plusq pessime facit. Propositio prima.

Hęc propositio est scandalosa, impia, legis Christianę infamatiua, ac authore Augustino in deum blasphema.

Sola duo vltima decalogi præcepta sunt, quę a nullo quātūlibet sancto aliquo modo implētur: cætera omnia implent. Sed in his duobus manēt rei & peccatores, quia nihil de istis implent. Secunda.

Hęc propositio est erronea, impia, in legem & legissatorem blasphema, & in sanctos contumeliosa.

Omne præceptū dei magis positū est vt ostendat præteritum & præsens peccatum, q vt futurū prohibeat, siquidem iuxta Apostolum, Per legem nihil nisi cognitio peccati. Tertia.

Huius propositionis prima pars est falsa, temerarie, & sine ratione asserta. Secunda vero, q iuxta Apostolum per legem &c. est erronea, legi intentioniq; Pauli contraria.

Quia homini charitatem habenti nulla lex necessaria est, ideo per hoc præceptum, Sabbata sanctifices, non opus præcipitur, sed quies. Quarta.

Istud præceptum tertium Sabbata sanctifices, cessauit proprie, immo omnia quoad perfectos Christianos, quia iusto non est lex posita, Quinta.

Sexta.

Infirmis qui nondum sunt mortificati secundum veterem hominem opus est, ut certis officiis, diebus, modis, occupetur, vigiliis, ieiuniis, orationibus, disciplinis, & similibus: quibus perueniant ad profectum interioris hominis, ut ubi corpus fuerit castigatum, & in seruitutem fuerit redactum, & mortificate passionibus: tum ipsa cessent paulatim, & tantum minuantur quantum profecerit interior homo, adeo ut si perfectus fuerit illa omnino cessare debeant.

Quelibet harum trium propositionum precedentium, est ex erroneo scripture intellectu asserta, iure in concilio Viennensi contra Begardos reprobata, & heretica.

De consiliis euangelicis.

Propositio
prima.

Illud verbum Christi, Matthei quinto, Qui te percusserit in maxillam dextram &c. Et illud ad Romanos xii. Non vos defendentes charissimi &c. non sunt consilia, sicut etiam multi theologi errare videntur, sed preceptum.

Hec propositio est falsa, legis Christiane nimium onerativa, & sane intelligentiae scripture aduersa.

Secunda.

Requirere coram iudice de iniuria reparationem Christianis prohibitum est.

Hec propositio est falsa, scandalosa, iuri diuino, naturali & dissona.

Tertia.

Quia Christianus temporalia non debet amare, ideo propter ea non debet iurare.

Hec propositio est in moribus erronea, & sapiens heresim.

Iudeis ad libitum verum iurare est permissum.

Quarta.

Hęc ppositio si intelligatur pmissum tãq̃ licitũ, falsa est diuino pcepto aduersa, & antiquus error Iudeorum.

De purgatorio.

Scriptura diuina tota prorsus nihil habet de purgatorio.

Propositio prima.

Hęc propositio est falsa, Valdensium errorem maxime fouens, ac sanctorum patrum sententię repugnans.

Non videtur probatũ esse q̃ animę in purgatorio sunt extra statũ meriti, seu augendę charitatis.

Secunda.

Hęc propositio est falsa, temerarie & impie asserta: & in hoc qđ pretendit animas in purgatorio non esse extra statũ meriti, seu augendę charitatis, est in fide erronea.

Nō videtur probatũ esse q̃ ipse aĩę in purgatorio sint de sua beatitudine certę & secure, saltē omnes.

Tertia.

Hęc ppositio est falsa, & presumptuose asserta: & in hoc qđ p̃tēdit animas purgatorii nō esse certas de sua beatitudine, est traditioni ecclesię & doctrinę sanctorũ contraria.

Animę in purgatorio peccāt sine intermissione q̃ diu horrēt pœnas & petūt requiē: quia q̃rūt q̃ sua sunt plusq̃ voluntatē dei, quod est contra charitatē.

Quarta.

Hęc propositio est falsa, impia, purgandis animabus in iuria, & heretica.

Imperfecta sanitas seu charitas morituri necessario secum fert magnum tĩmorem, tãtoq̃ maiorem quanto minor fuerit ipsa.

Quinta.

Pœna purgatorii est pavor & horror damnationis & inferni.

Sexta.

Vtraq; harum propositionum est falsa, temerarie, & sine ratione posita.

Septima. Probabile est aīas purgatoriū prę cōfusione nescire quo statu sint, dānatę an saluatę: immo sibi vidētur iam ire in damnationem & descendere in lacum.

Octaua. Animę in purgatorio nihil aliud sentiunt q̄ incipere suam damnationem, nisi q̄ sentiunt nondū clausam post se portam inferi.

Vtraq; harum propositionum est falsa, piarum aurium offensua, voluntarie & irrationabiliter posita, & statui animarum purgatoriū iniuriosa.

Nona. Oēs animę in purgatoriū descēdentes sunt impfectę fidei seu sanitatis: immo per quātācūq; ablationē pœnarū nō essent sanę nisi prius ab eis auferat peccatū, id est imperfectio fidei, spei, & charitatis.

Hęc propositio quantum ad omnes partes est falsa, & temerarie asserta, ac sanę scripturarum intelligētie dissona.

De cōcilijs generalibus.

Propō. I. Vīa iam nobis facta est eneruādī authoritatem cōciliorum & libere contradicēdī eorum gestis ac iudicandī eorum decreta.

Hęc propositio, si velit scriptor, licitum esse cuipiā concilii legitimi authoritati contradicere in iis quæ fidem & mores concernunt, est schismatica, & hæretica.

Secunda. Certum est inter articulos Ioannis Hus vel Bohemorum multos esse plane christianissimos & evangelicos, quos non possit vniuersalis ecclesia dānare.

Hæc ppositio, loquendo de articulis condemnatis, de quibus intedit scriptor, est falsa, impia, & sacris conciliis iniuria. Isti duo articuli, vnica est sancta vniuersalis ecclesia Tertia. quæ est pdestinatorum vniuersitas, & vniuersalis sancta ecclesia tantum est vna sicut tantum est vnus numerus predestinatorum: non sunt Ioannis Hus, sed Augustini super Ioannem.

Hæc propositio, ad Hussitarum intelligentiam, est falso Augustino attributa: articuli autem loquendo de ecclesia militante, de qua ibi fit sermo, sunt ppositiones hereticæ. Quarta. Iste articulus: duæ naturæ diuinitas & humanitas sunt vnus Christus: est a catholicis concedendus. Et si militer ille: diuisio humanorum operum est quod sunt virtuosa vel vitiosa, quia si homo est vitiosus & agit quicquid vitiose agit, & si est virtuosus & agit quicquid virtuose agit.

Hæc ppositio est falsa, & ex ignorantia veræ theologiæ asserra: primus autem illorum articulorum, scilicet duæ naturæ &c. est ppositio heretica. Secundus vero, scilicet diuisio humanorum operum &c. est propositio sapiens heresim.

De spe.

Spes non prouenit ex meritis.

Hæc propositio est falsa, presumptionis inductiua, ac sacris scripturis difformis.

De pena hereticorum.

Hereticos comburi est contra voluntatem spiritus. Propō. I.

Hæc ppositio est falsa, contra voluntatē spīritus diuīni
asserta, & errori Catharorum & Valdensium consona.

De obseruatione legaliū.

Propositio Licet opera legis q̄cūq; fieri si ea requirat charitas
fraterna modo nō lege cogente. quo casu licet etiā
modo circuncidi sine periculo & cū multo merito.

Hęc ppositio est Christianę legi inimica, Iudaicę perfī-
dię fauens, & heretica.

De bello cōtra Turcas.

Propositio Prēliari aduersus Turcas est repugnare deo visitā-
ti iniquitates nostras per illos.

Hæc ppositio vniuersaliter intellecta, est falsa, nec sacris
eloquiis conformis.

De immunitate eccle- siasticorum.

Propositio Si Imperator vel Prīncipes reuocent libertatē da-
tam personis & rebus ecclesiasticorū, nō potest eis
resistī sine peccato & impietate.

Hęc ppositio est falsa, impia, schismatica, libertatis eccle-
siasticę eneruatiua, ac impietatis tyrannicę excitatiua &
nutritiua.

De libero arbitrio.

Propositio Liberū arbitrium non est dominus actuum suorū.
prima.

Hęc ppositio est falsa, sacris doctoribus, ac omni doctrinē
moralī aduersa, cum Manicheorum errore conueniens, ac
hæretica.

Frustra garriunt sophistę actum bonum esse totū **Secunda**,
a deo sed non totaliter.

Hęc ppositio est sanctis doctoribus eā ponentibus iniuria,
Ambrosio potissimū Augustino & Bernardo, quos hic So-
phistas appellat: & quātū ad id qđ p̄tendit actū bonū esse
totaliter a deo, & nullo modo a libero arbitrio, est heretica,

Liberum arbitrium dum facit quod in se est, peccat **Tertia**,
mortaliter.

Hęc propositio est scandalosa, impia, in fide & moribus
erronea.

Liberū arbitriū ante gratiam nihil valet nisi ad pec **Quarta**,
candum, non autem ad pœnitēdum: ex Augustino
de sp̄ritu & litera.

Hęc propositio, accipiēdo gratiā pro gratia gratum fa-
ciente, de qua loquitur scriptor, est erronea, errori Mani-
cheorum conformis, a sacris eloquiis aliena, peruerse & trū-
cate ex Augustino allegata.

Liberū arbitriū sine gratia tanto magis appropin **Quinta**,
quat iniquitatī quāto fortius intēderit actionī: ex
Ambrosio.

Hęc propositio, accipiēdo gratiā vt prius, est falsa, pia-
rum aurium offensiua, a bonis operibus retrahens: inique
& mutilate ex Ambrosio excerpta.

De philosophia et theo- logia scholastica.

Philosophia Aristotelis de virtute morali, de obie **Propō. I**
cto, de actu elicito talis est quę nec in populo doce-
ri possit, nec est ad scripturę intelligentiam utilis,

quia continet dūtaxat portenta verborum nō nisi ad contentiones verborum conficta.

Hęc propositio quātū ad omnes suas partes, loquēdo de philosophia Aristotelis, in his maxime in quibus a fide nō discedit, est falsa, & tanq̃ ab inimico scientiæ arroganter ac insipienter asserta.

Secunda. Omnes virtutes morales & sciētiae speculatiue nō sunt verę virtutes & sciētie: sed peccata & errores.

Hęc propositio quātum ad primā partē, q̃ virtutes morales sunt peccata, est eodem modo qualificāda, sicut prius fuit illa qualificata: Opera quęcūq̃ ante charitatē sunt peccata. Quātum autem ad alterā, q̃ scilicet scientiæ speculatiue sunt errores, est manifeste falsa.

Tertia. Theologia scholastica est falsa scripturę & sacramentorum intelligentia, & exulem nobis fecit veram & synceram theologiam.

Hęc ppositio est falsa, temerarie superbe & asserta, ac sane doctrinę inimica.

Quarta. In sermonibus Ioannis Tanleri lingua Teutonica cōscriptis plus reperio, dicit Luther, theologiæ solidę & syncerę q̃ in vniuersis omniū vniuersitatum scholasticis doctoribus repertum est, aut reperiri possit in omnibus suis sententiis.

Propositio quā Luther asserit, est manifeste temeraria.

Quinta. Quo tempore cœpit theologia scholastica, id est illusoria, eodem euacuata est theologia crucis: suntq̃ omnia plane peruersa.

Hęc ppositio est falsa, presumptuose, & irrationabiliter asserta, & errori Bohemorum damnato vicina.

Libidinem corrumpendę scripturę iā ferme trecētis Sexta.
annis patitur ecclesia incōparabili damno suo a do
ctoribus scholasticis.

Hęc propositio est falsa, stulte, & malitiose asserta.
Theologi scholastici Aristotelis moralia prorsus cō Septima.
uenire mentiti sunt cum Christi Pauliq; doctrina.

Hac ppōne ipudēter, & falso theologis scholasticis ipo
nit scriptor, qđ nō est verū, qđq; satis exploratū sit in multis
moralia Aristotelis, cū Christi Pauliq; doctrina cōsentire.

Additur & hęc ex lib. de Captiuitate Babylonica.
In Dionysio q; scripsit de Cēlesti Hierarchia, nihil Propositio
ferme est solide eruditōnis. Et oīa sunt illius medi Lutheri.
tata ī p̄fato libro, ac somniis ppe simillima. In theo
logia autē mystica p̄nciosissimus est, Platonizans
magis q; Christianizans: in ecclesiastica vero Hie
rarchia ludit allegoriis, qđ est otiosorū hoīm studiū.

Hęc ppositio est falsa, temerarie & arrogāter asserta, ac
viro sancto īsigni eruditione claro iniuria, quē Damascen⁹
diuinū Areopagitā, Pauli discipulū, sacerrimū & deiloquē
tissimum appellat. ¶ Conclusio.

NOS P̄fati Decanus & facultas p̄missa
hęc oīa tempore multo examinauim⁹
mus, & qđ de his sentirēt ecclesiastici doctores, qđ
ve sacra cōcilia, qđ insuper in scripturis sanctis ca
ueret diligēter annotauim⁹: post qđ examē nostrū
apud Sorbonā sepius frequētātū, in plerisq; nr̄is p
iuramētū vocatis & factis cōcionibus vnanimi oīm
voto fuerūt cōclusa, ac defīnita: ac demū ex abūdātī
in gñali nr̄a cōgregatione apud sanctū Mathurinū

rursus p*er* iuramētum sup*er* his specialiter denūciata
hec eadē post missam more nostro celebratā iterū
cōcordī oī*m* assensu laudauimus, cōprobauim*9*, ac
rata habuimus, laudamus, cōprobamus, & rata ha
bemus & vt talia incōcuisse tenenda nostra sentētia
diffinimus, & decernim*9*. Acta fuerūt hec anno ab
incarnatione dñi. MDXXI. die. XV. Aprilis, in
quorū testimoniū iis instrumētis quæ in Archiuis
& scriniis nostris ad p*er*petuā rei memoriā reserua
mus Sigillū nostrū duximus apponēdū. Ad quorū
exemplar de mandato nostro p*re*sentes fuisse fide
liter impressas testamur.

NOSQVE IOAN
nes le Coīncte Rector vniuersitatis Parisien*sis*. Man
dauimus Iodoco Badio Ascensio Librario n*ost*ro iu
rato in virtute fidei nobis p*re*stitē, vt hāc definitio
nem sedulo imprimat: Prohibemusq*ue* ceteris omni
bus tam iuratis q*uam* non iuratis sub p*œ*na amittendi
officiū, si quod a nobis habēt, & sub p*re*iudicio nūq*uam*
habendi, si nullum habēt, & summe indignationis
vniuersitatis, ne biennio proximo sine nostra autho
ritate imprimant, aut alibi impressam vendant:
hancq*ue* cautionem nominis nostri subscriptione,
quod sigilli instar habere volumus, duximus mu
niendam.

Io. Le Coīncte.

Care

Wing

folio

o 2

144

. A 1

v. 1

no. 3

THE NEWBERRY LIBRARY

c. c. H. T. J.
(16 ff. m. 16.)

H. H. 55 oct 319